

# Хаврин загъс анънлгънд шунмгъагъар белдхмн

Эн джилин 5вл йир дулан болсар хаврин загъс анънлгъна кѳдлмш эрт эклѳд одхдан магъд уга. Эн учрар загъсна колхозмудин болн предприятъсин гардачир кѳдлмшѳн чанъгъадж, мѳсн унхас урд тенъгсур орх загъсчириг диглдж, савинь болн гѳлм-урхинь эртѳс бел кех зѳвтѳ.

Тиигхлѳ, хаврин загъс анънлгъна кѳдлмшт тату-тартг гаргъшгогъар белдвр кегдхлѳ, ниднин джилин эндѳ эс давгдхнъ лавта. Ниднин джилин тускар мана танъгъчин загъсчирт кедѳ дѳнъгѳ гашута болвчн сергѳл уга бѳѳдж болшго, юнъгад гихлѳ хаврин загъс анънлгънд белдвр му болсар орн-нутитан мана танъгъч кесг зуугъад центнер загъс джилин урун ѳрѳлд ѳгсн уга билѳ.

Учр тиим болсар танъгъчин загъсчир ниднин джилин хойрдгч ѳрѳлднъ шамдгъагар кѳдлдж, джилѳ зурагъан кѳцѳхин кергт, турѳн ѳрѳлд эс кѳцѳсѳн кѳцѳхѳр зѳткх бѳѳсн.

Энунѳ тѳлѳ намрин загъс анънлгъна болзгт цагланъ ик белдвр кегдх болв. Ганцхн Прикаспийск МРС-р загъс анъндг 200 савмудас августин 20 кѳртл 120 савнъ ясгдх бѳѳсн. Болв, МРС-н директор ѳр Артомонов зуг август сарин эклѳр савмуд ясдг улс ѳѳдрхнѳс хѳѳлгъсн.

Иим дуту-дунд гѳлм-урх белдхд болн загъсчир диглгънд колхозмудар бас харгъв. Ганцхн „Каспиец“ колхозар намрин анънлгън эклх болзгас ѳрѳлхн сар ѳлдсн бийнъ, тенъгсин 35 бударкст кѳдлх улс диглгдѳд уга бѳѳсн.

Эн тоот, загъс анънлгъна болзг болсн бийнъ цугъар тенъгст ордж, дегц кѳдлмшѳн эклхд ик хаалтг болла. Болв, колхозмудин болн предприятъсин гардачир терѳнѳс уха авсн уга. Келхд, Прикаспийск МРС-н коллектив ясгдх 3 сейнер, 1 мотобот, 34 почалк. 46 кормбударк, тенъгсин 33 бударк ода бийнъ ясад уга, ташр гѳлм-урхин багъ зунъ дгдѳд уга.

Прикаспийск загъсна ком-

бинат ясгдх моторн 2 ѳрвнѳс, бийснъ йовдж загъс авдг 27 савмудас загъс авдг тенъгсин 4 савинь ясдж, терѳн деерѳн 19 минъгън кубометр мѳс белдхѳс, 1200 кубометр мѳс белддж.

Эн тоот халжгър йовдлиг Прикаспийск МРС-н директор ѳр Артомонов болн Прикаспийск загъсна комбинатин управляющ ѳр Куркин хойр тѳртѳн авч бѳѳхн уга.

Болв, зѳрм колуозмудт эн чинртѳ тѳрт онъган икѳр ѳгчѳнѳ. „Вторая пятилетка“ колхоз шуѳугулин 16 звено, ставной шуѳугулин 9 звено болн тенъгсин бударксин 3 звено кѳдлх загъсчирар диглчксн бѳѳнѳ. Энѳн деерѳн эн колхозин шуѳугулин бригадмуд хаврин загъс анънлгъна чинринъ меддж, цуг гѳлм-урхан бел кечкцхѳв.

Нуѳрт йовх колхозмудин загъсчирин дамшлт тѳрѳц тархагддж бѳѳхш. КПСС-н Каспийск района комитет болн кѳч-кѳлсчирин депутатрин района Советин кѳцѳгч комитет, белдврин кѳдлмш ясрулхд онъган ѳгч бѳѳхш. Эдн эврѳннъ иим кесг эс кесн бѳѳдлѳн сольдж, сав-санъх болн гѳлм-урх селдлгънѳ кѳдлмшт онъган ѳгч, колхозмудин болн предприятъсин белдврин йовудинъ чанъгъах зѳвтѳ.

Терѳн деерѳн тенъгст йовх загъсчирт культури амрлгъ бѳрдѳхд, тедн дунд кегдх цѳѳлгъврин кѳдлмш болн агитатормудиг ягъдж олзлхинъ темдглхд орлцдж, белдвринъ чанъгъадж, оданас авн радиоприемникс, аптечкс загъсчирт белдхмн.

Хавр маниг кѳлѳшго. Колхозмудин правлѳд, МРС-н болн комбинатсин гардачир, партийн организацс хаврин загъс анънлгъна белдвириг чанъгъадж, СССР-н Деел Советд сунъгългъна ѳдриг уктдж, социалистическ дѳрлдѳ ѳргѳр делгрѳлдж, мѳсн унлгънла тенъгсур ордж, Алдр Октябръск революцин 41-ч джилин ѳѳн кѳртл джилѳ зурагъан кѳцѳдж, минъгъѳд центнер загъс Тѳрскндѳн ѳлѳ ѳгнѳвдн гисн ѳгѳн кѳцѳхѳр шунхмн.